

Балгъсна партийн IV конференц

Эндр Элст балгъсна партийн IV конференц кӱдлмшӱн эжлджӱнӱ. Конференц балгъсна комитетин тооцагънын сонгсад, партийн комитетин гардврн органс сунгъгъхмн.

Балгъсна партийн организац, коммунистнр болн балгъсна цуг кӱч-кӱлсчнр КПСС-н XXI хургин болн партийн Центральн Комитетин дарунь авсн шнидврмӱдӱр омг авч кӱдлӱд, эдл-ахун болн культури тосхлтд темдгтӱ динлврмӱд бӱрсн конференцӱр ирв. Балгъсна эжлц партийн организацс урдкасн сӱӱнӱр. гӱӱнӱр эдл-ахун тӱрмӱд хагъллгънд орлцдг болв, тернъ партийн цуг кӱдлмшиг ӱргджӱлдж ясерулхд сӱн тусан ӱзӱлв.

Тооцана давсн джилин эргцд балгъсна промышленностин болн тосхлтин зура кӱцӱлгънд балгъсна партийн организац гол оньган тӱвдж кӱдлӱд, зӱрм кӱцӱнъгъӱ бӱрв. Балгъсна промышленн предприятияс цуг продуцс гаргългъна 9 сара зурагъан 101 процент кӱцӱв. Тосхлтин болн балгъс кеерӱлдж ясерулгъна халхар зӱвӱр кӱдлмш кӱцӱгдв. Балгъснд эдлврт педучилищин, тосхачнрин клубин, поликлиникин гермӱд орулдв, нег патерин агъута 280 гер болн нань чигн тосхлтс дуусгдв. Балгъсна кӱч-кӱлсчнрт 5 минъгън квадратн метр агъута ӱмтн бӱӱдг гермӱд олзлгънд ӱгдв.

Балгъсна района селӱнӱ эдл-ахун кӱч-кӱлсчнр чигн эдл-уш гаргългъит икдӱллгънд динлвр кӱцв. Мах государствд орулдж ӱглгъӱр район джилӱ зурагъан 123,2 процент, ӱ с ӱ р — 112,1 п р о ц е н т, ноосар — 96,7 п р о ц е н т кӱцӱв. Района колхозмуд болн совхозмуд ӱн джилин 10 сарин туршарт нидн джилин 10 саринлӱ дӱнъцӱлхлӱ, государствд 4524 центнер мах, 5031 центнер ӱс, 750 центнер ноос икӱр орулдж ӱгв.

Болв б а л г ь с н д тосхлтин зура хашнъгар кӱцӱгддж йовна. Предприятияс болн ӱмтн бӱӱдг гермӱд тосхлгън ода чигн хоцрдж йовхнъ ил. Балгъсна тосхлтин 2-ч болн 3-ч управленъс тосхлтин джилӱ зурагъан зуг 62—67 процент кӱцӱв. Гӱӱлгънӱ предприятияс тосхлгън кегдджӱхш. Тосхлтин чинрн дор, материал ӱрвллгън тату, тосхлтсин ӱннъ деер.

Тосхлтин кӱдлмш муугъар кегдлгън, КПСС-н балгъсна комитет болн балгъсна кӱцӱгч комитет гардврн судхсин, тосхачнрин организацсин гардврас некрв чанъгъар ӱс нектинъ, тосхлтин йовудиг кинӱнӱр шӱӱдж ӱс хӱлӱдгинъ герчлджӱнӱ. Балгъсна комитет болн эжлц партийн организацс тосхачнр дунд цӱӱлгъврн-политическ кӱдлмш татугъар кецӱхӱнӱ, коммунистическ нер зӱӱхин болӱ дӱрлдж йовх бригадсӱ сулар кӱдлджӱнӱ.

Балгъсна района селӱнӱ эдл-ахун делгрлтд хагългдӱд уга тӱрмӱд цӱн биш бӱӱнӱ. Болв КПСС-н балгъсна комитет ӱн тӱрӱр сулар кӱдлдж йовснъ, делегатнрин оньгт тусх зӱвтӱ. Колхозмудт болн совхозмудт земледелин культури дор, малас авдг эдл-уушиг ӱдлӱллгъӱр кӱцвр тату, ма-

лин хотин бат кӱрнъг гаргъх тӱр сӱӱнӱр хагългдджӱхш. Энӱнӱ ашц балгъсна партийн организац селӱнӱ эдл-ахун халхар авсн социалистическ даалгъврн кӱцӱлгъ кӱцхиг теткдджӱхш. Балгъсна района колхозмудт болн совхозмудт олна малин шим-шӱӱснъ ода чигн деер биш, малас гару гарлгън ик, малас авдг тӱлнъ тату. 100 хӱн болгънас 91 хургън авдв.

КПСС-н балгъсна комитет болн эжлц партийн организацс селӱнӱ эдл-ахун нӱӱрлӱчнрин дамшлтинъ тархалгъар, производствд номин кӱцврн ӱргнӱр орулгъар тату кӱдлмш кӱцӱддж йовснъ конференцд шалгългънлӱ харгъх зӱвтӱ. ӱн кӱдлмш сул болсн йовдл — балгъсна колхозмудт болн совхозмудт багъ ургъц авсн, малин эдл-уушиг татугъар икдӱлснӱ учрумдин негнъ гидж келх кергтӱ.

ӱн джил малиг гару угагъар, сӱн чинӱтӱгъӱр ӱвлзӱлдж гарч, ирх джилд шим-шӱӱснъ улм ӱдлӱлхиг тетклгън — балгъсна партийн организацн, цуг коммунистнрин болн кӱч-кӱлсчнрин дӱӱч тӱрнъ болджана. Малин хот тату болсар, малин тонь ӱсӱд, хаша-хашӱнъ ӱс кӱрчӱх йовдл, мал ӱвлзӱллгънӱ кӱдлмшт немӱр тӱврв гаргъджана. Партийн конференц мал ӱвлзӱллгънд ончта оньган тусхадж, балгъсна партийн комитет ӱн кӱдлмш ягъдж гарддж йовхинъ шӱӱдж, бӱӱх дуту-дундиг хурдар уга кехд туста кӱӱндвр кех зӱвтӱ.

Тооцана цагин эргцд балгъсна партийн организацд партийн-политическ болн партийн бӱрдӱмджин кӱдлмш зӱвӱр ясрв. Энӱнӱ аш-дигднъ эжлц партийн организацсин, цуг коммунистнрин шунмгъанъ ӱсв, коммунистнрин производствд авчӱх нӱӱрлгч нилчнъ ӱдлв, партин зерглӱнд шинӱс кӱдлмшчнр болн колхозникӱд орулдж авдв, цӱӱлгъврн политическ кӱдлмш делгрӱллгън, партийн сургъуль бӱрдӱлгън урдкасн кӱцвр-тӱгъӱр кегддж йовна.

Конференцин делегатнрин оньгтнъ кӱч-кӱлсчнрин бӱӱдл-джиргълинъ ясерулхд, ӱднӱ некврнъ кӱцӱр тетклгънд бӱӱх дуту-дунд туслго бӱӱдг хаалгъ уга. Гӱӱлгънд, ӱрӱл-мендиг харлгъна халхар, коммунальн тетквр-рт тату халхнъ оln. Балгъсн ода кӱртл усар, электрическ герлӱр кӱцц теткдӱд уга, ӱмтиг бӱӱдг герӱр тетклгън хол тату. гӱӱлгънд ӱсн, тосн, темсн багъар орна.

Балгъсна партийн конференц, балгъсна партийн организац ӱврӱннъ дӱӱч чадмг-чидмгӱн ӱдлӱлхднъ ик туста болхнъ лавта. Энӱнӱ тӱлӱд кӱцӱсн кӱдлмшиг бийӱн шалгългъ келгънӱс иштӱ шӱӱдж ӱнлдж, партийн организацн цуг ӱӱлдврнъ ӱдӱн кемджӱнд гаргъдж, бӱрдӱмджин кӱдлмшиг чанъгъахиг тетклгънд гол оньг тусх зӱвтӱ.

КПСС-н XXI хургин болн КПСС-н ЦБ-н дарунь болсн Пленумсин шнидврмӱдиг, оln ӱмтнӱ эдл-ахун делгрлтин долан джилин алдр зураг кӱцӱлгънд цуг кӱчн-чидлӱн агслгън — балгъсна партийн организацн кӱдлмшин голлгчнъ болджана. Эндр кӱдлмшӱн эжлджӱх балгъсна партийн IV конференц тер тӱриг кӱцӱхд ик ачта-туста болхинъ лавта.